



ᐅᐅᐅᐅᐅᐅᐅ
DEPARTMENT OF JUSTICE
MALIGALIQIITKUT
MINISTÈRE DE LA JUSTICE



Nunavut Minista Maligaliqiiitkunnut – Nunavut Paliihimani Atanilluaq

Havaqatigiqhutik Aturniaqtamingnik Titiraqhimajuq 2022-2025

Hamna Havaqatigiqhutik Titiraqhimajuq takudjutujuq ilitarnaktumik tamainni havaqatigiqtuni paliihimaliqinikkut Nunavunmi aadlauvukli Nunavuttut.

Nunavut Kavamanga (GN) Kanatap Kavamaitalu (GC) ilaugiiqtut 20 ni ukiuni kaantraaqahutik piviqhaqariami iharianaittumik nakuuqpiqatumiklu paliihimaliqinikkut Nunavunmi havaktittiugut Paliihimatkut (RCMP) Ukiuqtaqtumi Avikturvingmi Paliihimatkut Kivraqtuqhutik. Una kaantraaq nalunaitkutigijajuq paatnariingnikkut aqhuuqhainirmunlu Nunavutkut Kanatalu havaqatigiqhutik piviqhariami Nunavunmiut paliihimanik kivraqtuqtuqhanik havaklutik ihuaqtumik, nakuujumik, ihumalutiklu pitquhikkut atuqlutik.

Havaqhimmaaqlutik hivulluutigijajuni ilitaqhimajajuni Nunavunmiunit, GN kut Paliihimatkutlu havangniaqtut ihuaqtumik havaqatigiigutiqhainnik Inuit nunagijaitlu ihumagilluaqlugit inungni aanniqtailinirmun talvuuna pilutik uqaqvigiqattarnirmun, ammauhimainnaklutik uqangnikkut, kiuviqhaqaqlutik, kiulutiklu ihariagijainnut nunallaat qajarnakviqaqtunut, tunihilutik ihuinnarnikkut pittailinikkut/ikiqlijuumigutigijajuqhaniklu uuktuutiqhanik.

Paliihimatkut hivuniqhait havaktait GN kut Paliihimatkutlu tikiutiniaqtait talvuuna pigumik havaqatigiingnikkut hivulluutigijajunut imaalu pidjutiniaqtuq nakuuhivallianiaqtut inuuhirinikkut aanniqtailinikkutlu nunallaani Nunavunmi imaalu pijaami Paliihimatkut havaqhimmaaqlutik havaktiulutik tikiutijaami havadjaringnikkut kiuviqhaqarnirmunlu inungnut tigungmidjutiqaqtunutlu niriugijainnik.

Hapkua tamainni hivulluutigijajut:

- I) *Aqhuuqhailutik inungni ukpiruhungnikkut utiqtiffaangnikkutlu ilannarnikkut Inuitni;*
- II) *Kiuviqhaqaqlutik kavamanut nunallaanutlu;*
- III) *Nunallaani Qajarnautilgit;*

- IV) *Munarilugit Ajuqhaqtaaqut Ilagiiqtunilu Ningghuinnaktuqaqtut; imaalu*
V) *Ihuinaaqtailinirmun/Akiqlijuummigutiqhanutlu*

Aqhuuqhailutik inungni ukpiruhungnikkut utiqtiffaangnikkutlu ilannamikkut Inuitni;

In'ngilraangnitait aadlanggivialu paliihimanikkut nunavunmi pidjutigijauhijajuq hivuanit Nunavut. Paliihimatkut hamaniiqhaaqpaktut havaaqaqhutiklu munarinirmun kavamait atugaqhaitatigut Ukiuqtaqtumi. Talvuuna ihumagiplugu, havaqatigiingnik Inuinnami pijariaqaqtut aqhuuqlutik naupkaaffaqlugu ukpirniq naammagijaulutik havakvingmi. Hamna pittaqaqtut Nunavunmi havaqhimmaaqlugu naupkaqlugulu havaqatigiingnik paatnaqatigiingniklu talvuuna nakuuqpiqaqtumik tuhaqtipkainikkut nunallaami Inuinnarniklu.

Hivulliutigijajut hapkua:

- Aqhuuqhimmaaqlutik atuqlutiklu Inuktut havagviujumi. GN kut Paliihimatkutlu an'ngiqatigiitqaat aqhuurutiplugu paliihimaliqidjutit tuhaqtitijuhhat Inuinnarnut uqauhiatlu atuqlugu, tamainni inungnut paliihimalu qajarnaittumik. Imaalu, GN kut Paliihimatkutlu havangniaqtut piviqhaqariami nivinggajuqhanik, kivraqtuijinitlu, titiqqaniklu Nunavunmiunut Inuit uqauhiat atuqlutik.
- Piinnaklutik pitquilitiklu havaktiqhaqhiurnikkut Inuinnarnik paliihimajiqhanik havaktuqhaniklu taimaatun pidjutihimmaaqlutik;
- Imaalu pijaaqhainnik naunaiqlutik nutaat havaktiqhat tikiliqtut Nunavunmut ilitturijajuqhat mihigijaulutik Inuit pitquhiannut, pijuhajutlu kangiqhipkaidjutimik iqatigiingnikkut in'ngilraaqmin Inuinnami Paliihimatkutlu,
- Imaalu pijaaqhainnik naunaiqlutik palihimajuqhat pijuhhat kangiqhipkaidjutiqhainnik nunallaanut humi havangniaqhimajuni, imaalu pidjutigihimmaaqlugu pitquhikkut ilihailutiklu hadjamin ilajut paliihimatkut;
- Imaalu pijaaqhainnik ilajut nutirahuat Nunavunmut pilutik ihuarijaujaaqhainnik ukiuqtaqtumun talvuuna Nunavut Paliihimatkut Havaktiqhagutijuni; imaalu
- Imaalu pijaaqhainnik naunaiqlutik aqhuuriaqhainnik naunaiqlugit ilaujumajut piqaqtunik ihuaqtunik nakuujumik paliihimaliqiriaringnik un'ngahiktuni nunallaani. An'nginiqaqpiqaqtuq ihuaqtuqhainnik aanniqtailitqhatlu tamainnut havaktut nunallaamunlu kivraqtuqtainnut.

Kiuviqhaqtaqtut kavamanut nunallaanutlu

Kavamauplutik, munarijaqaqtugut munaqhijaami ikajuutiqhatigut nakuuqpiqaqtumik, pidjagiqtumik munarijaqaqhuta pidjutigiplugit tamaita Nunavunmiut. Imaalu, munarijaqaqtugut imaa pijaaqhainnik

kavamatkut kiuviqhaqaqtut hulidjutigijainnut. Talvuuna ihuaqpiaktumik tuhaqtipkainikkut, ikajuqtauhimmaangnikkut ilauqatigiingnikkutlu GN kut, Hamlatkut katimajiit, ilaujut nunallaami, taapkuatlu nunallaami iliharviit nunallaamilu paatnariiq, Paliihimatkut hakugingniqhajuqhait paatnaqatigijainnut Nunavunmiut. Talvaluttauq, ihuigijauqtuqaqqat paliihimanut ihuittumik pigumik ilitturipkaijuqhaujut tuulliqhimaittumik ihuaqtumiklu pidjutijuqhat. Uqaqtaaqtavut hapkua ihumagijaujut Nunavunmi nalvaaqluta nutaanik qanuq uqariami aulapkainikkut maniliqidjutitlu aqhuugutaujut paliihimaliqinikkut ukiuqtaqtumi avikturvianni imaalu pijaaqhainnik aulahimmangnikkut, tamainni inunngnilu kangiqhipkainikkut tamainnik hailihimalutik ilitturipkaijaami paliihimat ihuinaaqhimajamingnik.

Hivullitigijaujut hapkua:

- Havaqatigiiqlutik GN kut Paliihimatkutlu ilitturipkaijaami ikajuutigijaujutigut akturnamiit;
- Imaalu naunaiqlutik ihuinaaqtuqarnimun paliihimat ihuinaaqpagainnik ihuaqhaqtaujuqhat talvainnakmi. Paliihimatkut piqaqtun tamainnik ihivriugutiqhanik ilikkut tamainni havakpgainni ilitturipkaijaami tamangnik ihuigijaujunut paliihimap ihuinaaqhimajainnik. Havangniaqtugut imaa pijaami inuit ilittuqhimajuqhatigut qanuriliuqtuqhaujaamingnik ihumagijaqhaqagumik paliihimanik ihuinaaqtunik Nunavunmi; imaalu
- Naunairlugit ihuaqtunik tuhaqtigutiqhanik tahapkunanilu nunallaami, ilauqatigiittaami Nunavunmiut paliihimagijaitlu. Talvuonatigut, ilauqatigiittiarniaqtut Paliihimatkunnit, GN kut, Hamlatkut katimajiitait, nunaqatigijaitlu, imaalu ilihiaqtuliiqijitkut nunallaamilu havaqatigiiqtait, ikajuutiqarniaqtut ikajuutauhimmaaqlutiklu.

Nunallaani Qajarnautilgit

Inulrammiit

Nunavut amigaittunik inulrammirnik inugiaqtut imaalu kajumikpiaktumik inuugiaqhilihaktut Kanatami. Ilihimagugut amigaittut nutaqqat inulrammiillu tamaani avikturviujumi ikajuqtaujumaplutik. Nunavut Kavamanga Paliihimatkutlu tamaita an'ngiqhutik ihumagilluaqtaqhainnik pittailinirmun hivuanilu ilitaqhilutik piviqhaqaqtittitutik nakuuqpiqaqtunik ikajuutiqhainnik inuulrammiinut pitqulugit ilaulutik nunallaami uukuutiqhainnik imaa pijaami ihuinaaqtailitqhainnik nunamingni.

Hivullitigijaujut hapkua:

- Uukturnahuarnimun ikajuriami inuulrammiit qajarnaktunut, GN kut Paliimatkutlu havaqatigiingniaqtut nalvaaqhilutik qanuqtun ilauqulugit inuulrammiit uqaqlugitlu ajuqhautigivagait inuulrammiit Nunavunmiut ajuqhautigijainnik nunamingni.
- Nunavut Kavamanga Paliihimatkutlu an'ngiqatigiiqtut tamaita havaqatigiiqtuqhat havaqatigijait tigonmidjutiaqtutlu taapkuatlu: hamlatkut katimajiita, nunallaami

maligaliqinikkut katimajalaanggit, apiqhuijiit, inungnut ihuinaaqtunut kivraqtuqtiit, ilagiiqtunut kivraqtiit, munaqhikcut, annaktuijtitlu kivraqtiit, aadlatlu piliuriamingnik ihuaqtunik ilitaqhijaami huuq inuulramiit ihuinaaqpaktut nakuujumiklu pilutik annulaqhiigutiqhainnik inuulrammiip ihuinaagutaitanik;

- Paliihimatkut aulahimmaangniaqtut ihumagilugit aqhuugutigilugit pittalinirmun tujuutaunikcut aturmialu ihuanggittut an'ngajaangnaqtut taanngaqniklu ikiqlivalliajaami aturniatigut inuulrammiinni tahapkunanut qajarnaqhijut; imaalu
- GN kut Paliihimatkutlu ikajuqhimmangniaqtait inuulrammiit ilihainirmun havaktiqhaqhiurutinutlu taapkuatut:
 - (i) Sikuuqvingmi ilihagutainnik;
 - (ii) Paliihimat ajuiqhautilugit inuulrammimik; imaalu
 - (iii) Paliihimatkut piqaqlutik aujami ilihagtimik ajuirhautiqhainnik.

Inminiiqtailinikkut, Pittailinikkut imaalu Ihumamikkut Inuuhiringnaqtunik Qaujimajaqhainik

Inminiirniq ajuqhautauhimmaaqpaktuq iniktirutiqhainnut Nunavunmut. Piliurninga atuliqtittinirmunlu Nunavutim Inminiiqtailinirmun Ihumaliutqiqtaujuqhaq ilitarijaat una ajuqhautaa. Paliihimatkut ilauhimmaangniaqtut Nunavut Inminiiqtailinirmun Ihumaliutqiqtaujuqhami.

Hivullitigijaujut hapkua:

- Ihumagilluaqlugu inminiiqtailinirmun, Paliihimatkut GN kut ilauqatihimmaaqlugit ilauqatait ihumagilugu ilitaqhinirmun ikiqlijuummiknahuaqlugit ihumagijaujut pidjutivaktut inminiirnirmun. Ilauhuaqataupluni Nunavut Inminiiqtailinirmun Ihumaliutqiqtuqhani, Paliihimat atuliqtittiniaqtut munarilugulu paliihimaliqidjutit huliuqhani ikajumikkut tamainni ihumaliutqiqtaujuqhami;
- Paliihimatkut aqhuuqlutik ikajurniaqtut Ihumaiqtailinikkut Aanniqtuqaqqat Parnautit ilihaviqhainik ilaulutiklu ilihailutik naunairiami paliihimat upalun'ngaihimariamingnik qilamiuqtuqaqqat talvuunalu ihumaiqtuqaqqat ihumaalutigijajuni; imaalu
- Paliihimatkut ilihaiipkaqtittiniaqhimmangniaqtut havaqatainnut ilaudjutitgitnik ajuirhautiqhanik pidjutigumik inungnik ajuqhautiqagtunut ajuqhagumiklu mihingnautikkut. Hapkua ilihaidjutiqhat atuliqtittihimmaangniaqtait:
 - Ajuqhautimut Ihuaqhainahuat imaalu In'ngattaqtailinahuarutiqhaniklu;
 - Iitaqhimanikkut Mihingnautiqaqjuagtut Ajuqhaqtut Kitutliqaaq; imaalu
 - Aulaviqhainniklu Upalun'ngaihimalutik Ihumakkut
 - Ihumaliqijunut Munaqhidjutit – Inuit atuqpagainnik

Munaqhinirmun Hakuittut Inuit Ilainnutlu Nin'ngarniq (Inirniqhaaq, Aippaminut Nutaragijaannutlu Pimmakluktait)

Nunavut Kavamanga Palihiimatkutlu ilihimajait ilagiiqtut ningarnitigut pidjutiqpiapaktuq ilagiiqtunut Nunavunmi havaaqlu inikiqtajuqhat ikajuriami ajuqhaqtut ilitturipkailugulu qanuriliuqtut pidjutigilluadjutainnut nin'ngarnirmun aimmavingmi.

Hivullitigijaujut hapkua:

- Palihiimatkut GN kutlu havaqhiimmaangniaqtut havaqatigilugit kivraqtuijit aqhuuqtut ikiniarnirmun ilagiiqtuni nin'ngahurnikkut Nunavunmi. Palihiimatkut aqhuuqtut atauttini qaujimanahuaqlugit tamaita ajuqhautilgit ilainni ningaqtauhimaadjutaujuni;
- Humi ajurnautiqaqtuq an'ngiqtauhimadjutiqaqviqhamik, Palihiimatkut ihumaliurniaqtut atuqlugit nunallaami kivraqtuivinggit imaalu/imaaluunniit inirniqhaat uqaudjaujulutik;
- Atuliqtitiliqalliagumi tuquffihurnirmin ilitturipkainikkut pijuqhat palihiimanikkut ilitarijauliqtuq talvuuna ihuatqiat taimaa ikiqlijuummikpangmat akturnamia ihuinaarnikkut tuquffinarnirminlu inungnut. Palihiimatkut Nunavut Kavamaitalu havangniaqtut atuliqtitilutik kitunik ikajuutiqhainnik havaaqhaqaligumik nin'ngaqtuunikkut.
- Nunavut Kavamanga aqhuuqhimmaangniaqtut maningnik ikajuutiqhanik nunallaami uqaudjauviliqhanik nunallaamilu maligaliqidjutinut; imaalu
- Nunavut Kavamanga Palihiimatkutlu aqhuungniaqtut ikiqlivalliaviqhainnik ilagiiqtuni nin'ngahurnikkut qiniqlutik qanuqtun nakuuhivalliadjutiqhainnik atuliqtitilirmun titiqqiviliqidjutainnutlu *Ilagiiqtut Pimmarlurnikkut Hattumiarutiqhainnut Maligaata* imaalu pijaaqhainnik atuqtaujaaqhainnik nakuuqpiagtumik tamainnilu ihuaqtumik atuqtaulutik.
- Nunavut Kavamanga Palihiimatkutlu havaqatigiiqhimmaangniaqtut pitqujauhijamajunik pidjutihimajut talvanga kangiqhiumajunit talvani Inuaqtaujut Tammaqhimajutlu Nunaqqaarhimajut Arnat arnagutitlu (MMIWG).

Ihuinaaqtailinirmun/ Ikiqlijuummigutiqhanutlu

Nunavummiutaupluta, aqhuurutigivaktavut qajangnaittumik inuuhiringnaqtumiklu nunaptingni, ilavunni, nutaqqavunnilu. Nunallaavut hakugiqhivalliavaktut imaa pigaanggamik inuit ilagiiqtut iqhiuqhimaittumik aimavingmingni nunangmingnilu, pittaalaqigaigumik ikajuutiqhamingnik ihariagijamingnik aanniqtailijaamingniklu hivuuranaktunit piviqhaqagaiqpat.

Hivullitigijaujut hapkua:

- Piqaqhun amigaittunik kivraqtuqtunik paatnaqatigiplugit, hiqquutikkut qayarnaitkutiqhamik ilihaqviqhamik atuliqtitinaqtut ihumagilugu ihuanikkut inungni aanniqtailiplugit nunallaamilu inuuhiringnaqtumik. Havaqatigiiqtut tigungmidjutiqagtutlu ilauqatiumajait GN kut, Palihiimatkut, kavamatuqainnit kivraqtuijit, nunallaami ilaujut, kavamaunggittut timiqutiujut, Inuit timiqutait; imaalu

- Taanngaq ihuinnaarutaulluaqpaktuq hivajaqtullu ikajuqtiqhailuqhutik Nunavunmi, Nunavut Kavamanga Paliihimatkutlu aqhuungniaqtut ilitturipkaijaamingnik aanniqtunirmut ihuinnaarnirmunlu pidjatauvtut taangarnik niuvvajunit taanngaqtuqpallaanikkutlu nunallaaptingni.

Naittumik titiraqhimajuq


Ministaa Maligaliqijitkunnt Nunavunmut Atan'ngujalluaqlu Paliihimatkunni "V" Havagvianit ilitarijaat aqhuuqhimmaaqpaktut havaktiit Paliihimatkunni Avikturnivujumi.

Atuqpagaat paliihimaliqinikkut kivraqtuqtunut Nunavunmut aulajuittuq ikajurnikkut aqhuuqhutik nakuunikkiatut havagumaplutik. Havakpagait kivraqturnirmun Nunavunmiunut ilitarijahimajuq talvuuna uktuutiqhakkut Paliihimatkut hivuniqhaliurutait kiuviqhaqarnikkut, pittianikkut, ayuitpianikkut, itquumanikkut, nagliguhurnikkut pidjariqpiangnikkutlu.

Nakuuhivallialiqluni inungni aanniqtailinirmun nunallaamilu inuuhirittiaqlutik, imaalu pidjutihimmaaqlugit aqhuuqhailutigilugitlu atauttimun havaqatigiiqlutik nunallaaptingni, taimaa pidjutihun'ngujuq pivallialiqlutik hivuuranaittumik aimavingnit qajarnaiqluni nunallaani Nunavunmi.



Andrew Blackadar, Atan'ngujauulluaq
Atan'ngujalluaq Paliihimani
Nunavut Paliihimat



Nan'ngarijaujuq Craig Simailak
Minista Maligaliqijitkunni
Nunavut Kavamanga

Nov 10, 2022

Ublua

Nov 10, 2022

Ublua